### ТӨЛӨӨЛӨН УДИРДАХ ЗӨВЛӨЛИЙН НАРИЙН БИЧГИЙН ДАРГЫН ҮЙЛ АЖИЛЛАГААНЫ ЖУРАМ

### нэг. нийтлэг үндэслэл

- 1.1. Энэхүү журмаар "Монголын цахилгаан холбоо" хувьцаат компанийн Төлөөлөн удирдах зөвлөл /цаашид "ТУЗ" гэх/ Төлөөлөн удирдах зөвлөлийн Нарийн бичгийн дарга /цаашид "ТУЗ-ийн нарийн бичгийн дарга гэх/-ын эрх, үүрэг, хариуцлага, үйл ажиллагааны журам болон компанийн бусад эрх бүхий этгээд, Төлөөлөн удирдах зөвлөл, түүний зөвлөлийн хороодтой харилцах харилцаа, томилж, чөлөөлөх үйл ажиллагааг зохицуулна.
- 1.2. ТУЗ-ийн нь үйл ажиллагаандаа Компанийн тухай хууль, "Монголын цахилгаан холбоо" хувьцаат компанийн дүрэм бусад холбогдох эрх зүйн актуудыг удирдлага болгоно.
- 1.3. Энэ журмаар зохицуулагдаагүй аливаа асуудлыг Компанийн тухай хууль болон "Монголын цахилгаан холбоо" хувьцаат компанийн дүрэм, Төлөөлөн удирдах зөвлөлийн үйл ажиллагааны журмын дагуу зохицуулна.

### ХОЁР. ТУЗ-ИЙН НАРИЙН БИЧГИЙН ДАРГЫГ ТОМИЛОХ

- 2.1. ТУЗ-ийн нарийн бичгийн даргыг ТУЗ-ийн даргын санал болгосноор ТУЗ-ийн нийт гишүүдийн олонхын саналаар томилно.
- 2.2. ТУЗ-ийн нарийн бичгийн дарга нь компанийн засаглалын асуудлыг хариуцах үндсэн ажилтан байх бөгөөд үүрэг хариуцлагаа компанитай байгуулсан хөдөлмөрийн гэрээний дагуу хийж гүйцэтгэнэ.
- 2.3. ТУЗ-ийн нарийн бичгийн даргад нэр дэвшигч нь дараах шаардлагыг хангасан байна. Үүнд:
  - 2.3.1. Дээд боловсрол эзэмшсэн байх;
  - 2.3.2. ТУЗ-ийн нарийн бичгийн даргын үүрэг хариуцлагыг гүйцэтгэхэд
  - 2.3.3. шаардлагатай туршлага болон мэргэжлийн ур чадвартай байх;
  - 2.3.4. Холбогдох хууль тогтоомжийн талаар мэдлэгтэй байх;
- 2.3.5. Компанийн засаглалын чиглэлээр сургалтад хамрагдаж, гэрчилгээ авсан байх;

### ГУРАВ. ТУЗ-ИЙН НАРИЙН БИЧГИЙН ДАРГЫН БҮРЭН ЭРХ

- 3.1. Компанид хэрэгжүүлж байгаа засаглалын бодлого болон үйл ажиллагааг хэрэгжүүлэх, хянах, сайжруулахад оролцох, засаглалыг сайжруулах төлөвлөгөө, журмын төсөл боловсруулж ТУЗ-д хүргүүлэх;
- 3.2. Компанийн албан хаагчид компанийн засаглалтай холбоотой Монгол Улсын хууль тогтоомж болон компанийн засаглалын дотоод баримт бичгийн



заалтуудыг хэрэгжүүлж байгааг хянах, зөрчсөн тохиолдолд ТУЗ-д мэдэгдэх;

- 3.3. Компанийн засаглалын олон улсын туршлага, шинэтгэлийг судлах, ТУЗ болон Гүйцэтгэх удирдлагын багт мэдээлэл хүргүүлэх, зөвлөх, эдгээр туршлага шинэтгэлийг компани дээр хэрэгжүүлэх арга боломжийг судлах, саналыг ТУЗ-д хүргүүлэх;
- 3.4. Өөрийн үүргийг гүйцэтгэхтэй холбоотойгоор компанийн газар, нэгж болон албан тушаалтнаас мэдээлэл авах;

## ДӨРӨВ. ТУЗ-ИЙН НАРИЙН БИЧГИЙН ДАРГЫН ҮҮРЭГ

- 4.1. ТУЗ-ийн дотоод үйл ажиллагааг хариуцан зохицуулах, бичиг хэргийг хөтлөх:
- 4.2. Компанийн сайн засаглалын хэрэгжүүлэхэд идэвх санаачилга гарган ажиллах, засаглалын дотоод журам, бодлого боловсруулахад оролцох;
- 4.3. Өөрийн бүрэн эрхийн хүрээнд компанийн засаглалын бодлогыг бүх төвшний ажилтнууд дагаж мөрдөх үйл явцыг удирдан чиглүүлэх;
- 4.4. Компанийн засаглалын асуудлаар ТУЗ болон Гүйцэтгэх удирдлагын багт зөвлөх;
- 4.5. Хувьцаат компанид хамааралтай холбогдох хуувь тогтоомж, дүрэм журмын хэрэгжилтийг ханган ажиллах;
- 4.6. ХЭХ, ТУЗ, Гүйцэтгэх удирдлагын баг болон бусад оролцогч талуудын хоорондын үйл ажиллагааны уялдааг хангах ажлыг зохион байгуулах;
- 4.7. Компанийн тухай мэдээллийг хувьцаа эзэмшигчид, олон нийт, бусад оролцогч талуудад хүргэх арга хэмжээ авах замаар мэдээллийн ил тод байдлыг хангах;
- 4.8. ХЭХ-ыг зохион байгуулах болон хувьцаа эзэмшигчдийн эрх ашгийг хангахад дараах үүрэгтэйгээр оролцох, үүнд:
- ХЭХ-д оролцох эрхтэй хувьцаа эзэмшигчдийн бүртгэлийн судалгааг Үнэт цаасны төвлөрсөн хадгаламжийн төвөөс гаргуулах, ТУЗ-д болон хувьцаа эзэмшигчдэд хүссэн үед нь танилцуулах;
- 4.8.2. ХЭХ хуралдуулах зарыг холбогдох журмын дагуу олон нийтийн мэдээллийн хэрэгсэл болон тохиромжтой арга хэлбэрээр мэдээлэх;
- 4.8.3. ТУЗ, Гүйцэтгэх захирал болон тооллогын комисст ХЭХ-ыг зарлан дуудаж байгааг мэдээлэх;
- 4.8.4. ХЭХ-аар хэлэлцэх асуудлуудаар санал авах хуудас, холбогдох мэдээллийн бичиг баримтыг бэлтгэх;
- ХЭХ-ын тэмдэглэлийг өөрөө болон компанийн бичиг хэргийн ажилтнаар хөтлүүлэн хянах, тус тэмдэглэлийн баталгаатай хадгалалтыг хариуцах;
- 4.8.6. ХЭХ-ыг хуралдуулахтай холбоотой үүссэн маргаан, үл ойлголцлыг шийдвэрлэх талаар арга хэмжээ авах;
- Хувьцаа эзэмшигчдээс ирсэн хүсэлтийн дагуу холбогдох мэдээллийг тохиромжтой арга хэлбэрээр ажлын 3 хоногийн дотор хүргүүлэх;
  - 4.8.8. Хувьцаа эзэмшигч болон бусад оролцогч талаас ирүүлсэн гомдол



саналыг хүлээн авч, ТУЗ болон Гүйцэтгэх удирдлагын багт хүргүүлэх, хамтран шийдвэрлэх;

- 4.9. ТУЗ-ийн үйл ажиллагааг зохион байгуулахад дараах үүрэгтэйгээр оролцох, үүнд:
- 4.9.1. Энэхүү журмын дагуу ТУЗ болон ТУЗ-ийн дэргэдэх хороодын хурлын бэлтгэлийг хангах, мэдээллийг хүргэх, хэлэлцэх асуудалтай холбоотой материалыг холбогдох албан тушаалтнаар бэлтгүүлэх, хурлын тэмдэглэл хөтлөх, эчнээ санал хураалт явуулах;
- 4.9.2. Хурлын тэмдэглэл болон бусад шаардлагатай материалыг ТУЗ-ийн гишүүдийн хүсэлтийн дагуу гаргаж өгөх;
- 4.9.3. ТУЗ-ийн үйл ажиллагаатай холбоотой ТУЗ-ийн гишүүдийн санал хүсэлтэд хариулах;
- 4.10. ТУЗ-ийн нарийн бичгийн дарга нь жилийн үйл ажиллагааны төлөвлөгөө боловсруулан ТУЗ-ийн даргаар хянуулах, шаардлагатай гэж үзвэл компанийн жилийн үйл ажиллагааны төлөвлөгөөнд тусгах;
- 4.11. ТУЗ-ийн нарийн бичгийн дарга нь ТУЗ-ийн үйл ажиллагааны тайланг ТУЗийн даргын удирдлага дор боловсруулан ТУЗ-д танилцуулах ба өөрийн ажлын тайланг ТУЗ-ийн даргаар хянуулах;

# ТАВ. ТУЗ-ИЙН НАРИЙН БИЧГИЙН ДАРГЫН ҮҮРЭГТ АЖЛААС ЧӨЛӨӨЛӨХ

- 5.1. ТУЗ-ийн нарийн бичгийн дарга нь дараах тохиолдолд ажлаас чөлөөлөгдөнө. Үүнд:
  - 5.1.1. Өөрөө хүсэлт гаргасан;
  - Компанитай байгуулсан хөдөлмөрийн гэрээний хугацаа дууссан;
- 5.1.3. ТУЗ-ийн нарийн бичгийн даргын үүрэг хариуцлагыг гүйцэтгэж чадахгүй гэж ТУЗ үзсэн;
- 5.1.4. ТУЗ-ийн нарийн бичгийн даргын ажлыг хийх боломжгүй албан тушаалд томилогдон ажиллах болсон;
  - 5.1.5. Хуулиар тодорхойлогдсон бусад тохиолдол;
- 5.2. ТУЗ-ийн нарийн бичгийн дарга ажлаас чөлөөлөгдсөн тохиолдолд энэхүү журмын 2.1- д заасны дагуу шинээр хүн томилно.
- 5.3. ТУЗ-ийн нарийн бичгийн дарга ажлаас түр чөлөөлөгдөх бол түүнийг түр орлох хүнийг ТУЗ-ийн дарга томилно.

-00000-